

**Naqqiut****Akissuteqaat imm. 129 aamma imm. 130 07.11.2024-meersut taarserpai**

**(Naalackersuinikkut Ataqtigiissaarisogatigiit ataatsimiinnerata kingunerisaanik naqqiissuteqarneq)**

**Kommunit aningaasaqarnertik nammineernerullutik akisussaaffeqarnerullutillu aqussinnaalernissaat pillugu Naalackersuisut UKA2025-mut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. (UKA24/129)**  
(Inatsisartunut ilaasorta, Aqqalu C Jerimiassen, Atassut)

**Kommunit nutaamik agguataarlugit aaqqissuunneqarnissaat pillugu Naalackersuisut UKA2025-mut agguassassamik nalunaarusioqquneqarnissaannik Inatsisartut aalajangiiffigisassaattut siunnersuut. (UKA24/130)**  
(Inatsisartunut ilaasorta, Aqqalu C. Jerimiassen, Atassut)

**Akissuteqaat**

(Isumaginninnermut, Ilaqtariinnut, Suliffeqarnermut Nunamullu Namminermt Naalackersuisoq)

**Siullermeerinnineq**

Naalackersuisut qujassuteqarfigaat Inatsisartunut ilaasorta, Aqqalu C. Jerimiassen, Atassut, Inatsisartut aalajangiiffigisassaattut siunnersuutit marluk pillugit saqqummiussineranut.

Naalackersuisut siunnersuuteqartoq 2024-mi *Kommunit aaqqissuussaanerat pillugu naliliineq*-miit ineneri eqqarsaatigalugit sammisat makku oqallisiginissaata attuumassuteqarneranik isumaqatigaat kiisalu kommunit maannakkut aaqqissuussaanerat pillugu piffissami kingullermi oqallinneq aamma iluarisimaarinninnginnerit oqaatigineqartut. Taamaattumik kommunit aaqqissuussaanerata ineriartorneranik aamma kommunit suliassaannik sulinerup nanginnissaa pisariaqarpoq.

2024-mi upernaakkut ataatsimiinnermi Naalackersuisut ilaatigut Kommunitoqqat uterfigeqqissagutsigit allaffissornikkut aningaasartuutit qanoq allangussanersut pillugit Naalackersuisut nalunaarusiamik, UPA24/116, suliqaarlutik aallartippaat. Nassuiaat naammassereermat Inatsisartunut agguanneqareerpoq.

Naalackersuinikkut Ataqtigiissaarisogatigiit kingullermik ataatsimiinneranni eqimattamit suleqatigiissitap atulersinneqartup, ilaatigut kommunit aaqqissuussaanerat pillugu suliqaartoq, aaqqissuussaanermik ataatsimiititaliamik pilersitsisoqarnissaanik inassuteqarpoq. Suleqatigiissip inassutigaa, aaqqissuussaanermik ataatsimiititaliap pisortat aaqqissuussaanerata aaqqissuusseqqinnermik siunnersuummik suliqaarnissaq suliassarissagaa, aamma aaqqissuussaanermik ataatsimiititaliap siunnersuutaani immikkoortut ukuusut ilaatinneqartariaqartut:

- Pisortat aaqqissuussaanerat nutaq, nunap inoqarfiini qanimut oqartussaaqataanermik nukittorsaallunilu najukkami aalajangiisinnaassusermik annertusaassasoq kiisalu innuttaasunut iluaqutaasumik suliassanik pitsaanerusumik aaqqiissuteqarnermut ikiuutaasusaaq, pillugu inassuteqaatit.

- Kommunit aqqissuussaananerannut sinaakkutissatut atugassarititat.
- Suliassat sorliit naapertuunnerpaamik qitiusumit isumagineqassanersut, aamma sorliit najukkami aalajangiiffigineqartassanersut suliarineqarlutillu pillugit naliliineq.
- Pisortat ingerlatsiviisa akornanni suliassanik agguataarineq qanoq aqqissuunneqassanersuq pillugu inassuteqaatit.
- Inassuteqaatit piffissaq ungasinnerusoq eqqarsaatigalugu aningaasaqarnermik piujuartitsisumik attanneqarsinnaasumik qulakkeerinnissapput.

Atugassatut sinaakkutit suliarineqarneranni ataatsimiititaliap kommuunit qitiusumik suliassat suunersut aalajangersussavaat. Allattorsimaffik kommuunit inuiaqatigiinni tunngaviusumik suliassat suunersut akisussaaffigineqarnerisullu allattorsimaffiattut isigineqassaaq. Innuttaasut atorfissaqartitaasa pingaarnersaasa matussuserneqarnissaat inuulluarnissaallu qulakkeerneqassappata kommuunit minnerpaammik suliassatut tigummissassat tassani allattorsimaffinni pineqarput.

Kommunit aqqissuunneqarnerata sinaakkutissaa inissereerpat Naalackersuinikkullu Ataqtigiissaasoqatigiinniit Inatsisartuniillu akuerineqareerpat kommuunit akunnerminni innuttaasunilu politikikkut oqallinneq isumagissavaat. Kommunit avinneqarnissaanut kissaateqartoqarnersuq kommuunit namminneq nalilersussavaat. Avinneqarnissaat aalajangerunikku Inatsisartunut innersuummik tunniussaqaarsinnaapput. Innersuutit suliassat tungaatigut naammassinnissinnaanermik aningaasaqarnikkullu kommuunit aqqissuussaananermik sinaakkusersuummi piumasaqaatinik naammassinnissinnaasuussapput. Tamatuma piffinni ataasiakkaani suliassat ingerlanneqarsinnaanissaat qulakkiissavaa aammalu kommuunit innuttaasullu suliamik aalajangeeqataatinneqarnissaat qulakkiissallugu.

Naalackersuinikkut Ataqtigiissaarisooqatigiit januaarip 29-iani aqqissuussaananermut ataatsimiititaliornissaq innersuussutigineqartoq akueraat, oqaluuserisassanik taakkartorneqareersunik suliaqarlutik isumaliutissiissummik suliaqartussamik. 2029-imi kommuninut qinersinissamut ilanngullugu kommuunit aqqissuuteqqinnissaanut taasinissaq ilanngunneqarsinnaasoq naatsorsuutigineqarpoq.

Suliassat ingerlanissaat, aqqissuussaananermut ataatsimiititaliap ilaasortassai suliassaalu inississorneqarput, piareernissaalu piffissami qaninnerusumi piumaartoq naatsorsuutigineqarpoq.

Erseqqissartariaqarporli naggataatigut tassaammata Inatsisartut, kommuunit agguarneqarnissaat, tamanna kissaatigineqarpat, qaqugulu pissanersuq pillugit aalajangiisussat.

Naalackersuisut qulaani taaneqartut tunngavigalugit siunnersuutit itigartitsissutigineqassasut inassutigaat.